



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 23. De decem leprosis.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)





semperq; vti fiti cruciantur, ita in imperfectis  
noui semper defectus oriuntur, neq; vniquam  
fitis prauiorum desideriorum tolli potest.

3. Modus facilis, tales, hic est. 1. *à longe stēt*,  
id est, profunde sese humiliēt. 2. magna voce  
(atq; affectu) auxilium Dei deposcant, ab eo  
solo sanari se posse agnoscant.

4. Dominus mittit eos ad Sacerdotes Mosai-  
ca legis, quorum erat ex officio, *discernere in-  
ter lepram, & non lepram*; tum vt intelliga-  
mus multo potiori iure id nobis faciendum  
esse cum noui testamenti Sacerdotibus, quibus  
potestatem dedit lepram spiritalem (pecca-  
tum) non tantum agnoscendi, sed etiam cu-  
randi ac penitus remittendi. Itaq; curandum  
vt sincerè cum illis, tanquam Dei vicariis a-  
gamus, offendentes eis omnem animam lepram,  
id est, omne peccatum; (nulum omnino datā  
opera omitteudo vel calando) alioqui & à nul-  
lo peccato prorsus absoluetur; & nouum in-  
super sacrilegii peccatum committent.

5. In via *mundati sunt*: quia saepe tanta  
est internæ contritionis ac displicentiae vis co-  
ram, vt illius virtute homo ad gratiam iustifi-  
cantem, & peccati inundationem pertingat;  
quamuis tamen, eadem peccata Ecclesia clauis  
bus, semel minimum subiicere teneatur.

6. Ex his ita sanatis, vnicus tantum gra-  
tus fuit, ad Christum redeundo; vnde audire  
meruit; *Fides tua te saluum fecit*, non tan-  
tum à lepra corporis (à qua iam cum aliis  
mundatus erat) sed etiā à lepra animæ, quam  
alii maiorem incurrerant ex ingratitude.

7. *Hic erat alienigena*, non Iudæus, vt  
scias, DEVM nulli gratiam negare, modo se  
eius voluntati accommodet; vti hunc fecisse  
videmus, exemplum dedit eius, quod nobis  
post confessionem agendum est. ME-